

要修科儀戒律鈔卷之三

唐三

三洞道士朱法滿編

科曰俗人受籙殆未開科法來諸所疑隨解
實答不得有欺妄云不知必諫惡還善勸是
除非不可阿黨為私害法損己誤人九刑論

科曰高德道士大治祭酒八十一賢清齋登
壇壇是崇虛堂所皇靈之壇者如是不須受
法及籙而傳籙治唯二十四卷悉微言要旨
三洞寶經眾符秘諱悉應師受師是道民參
受備者盛德為師天師子孫雖是師即皆為
弟子之禮天師子孫受眾法法信依百姓不
得闕關則三官不憫

科曰受諸券及自然券後傳券無有經此謬
妄之師券本度經無經何券師須寫經盟可
為師耳年限未得為師當為前弟子見有經
具足師不具足者且稍受之以足為期不限
師之多少不格師之男女師不得禁錮弟子
不得背叛本師背叛受十苦之考後生六畜
之中禁錮者幽牢檻繫後生違荒惡癡之群
明各慎之

科曰寶經禁重萬劫一出天地促運輸正須
賢七百年聽傳若有骨分七年得傳三年之
內無有災厄四年可傳傳得其人人我共福
非其人同罪俱入火灌風刀萬劫負石之役
科曰凡事師恒如兩手捧物當心勿有墜矣
師如父也但奉道事師有二種人一日名二
曰義凡言事道係名師門不修妙義不修大
功不行無為處度有滯煩惱生死不能知常
妄作致凶凶比有名事師也若專心憑師動止
依法建大福田濟身度物無為而無不為所
在通利無諸障礙長生不死永享貞吉此有
義事師也

科曰師與弟子言皆稱吾我卿弟子弟子亦
如此天親也凡事師門外稱弟子內稱名不
稱姓師之師准祖師祖師之師准曾祖曾祖
之師准高祖高祖之師一號宗師宗師至弟
子身是為五代祖師至敬禮訊言語書略同
悉稱弟子不得慢言若有違七刑論
科曰事先達與師同先達者言堪為師崇彼
如師一名心師問訊時請師並在先拜宗師

科曰師與弟子言皆稱吾我卿弟子弟子亦
如此天親也凡事師門外稱弟子內稱名不
稱姓師之師准祖師祖師之師准曾祖曾祖
之師准高祖高祖之師一號宗師宗師至弟
子身是為五代祖師至敬禮訊言語書略同
悉稱弟子不得慢言若有違七刑論
科曰事先達與師同先達者言堪為師崇彼
如師一名心師問訊時請師並在先拜宗師

次問訊祖師次問訊籍師度師也
科曰弟子法身通辭書疏皆真書不得草犯
者五刑論道士敬先達恒下師一階
律曰弟子謁拜於師朔望皆朝服而朝不得
陽說陰私背向異辭

律曰道民每生與師主期失信魂魄閉繫水
官五十日役
律曰弟子見師不敬不恭無禮語言我汝魂
魄在水官拘閉六十日考竟減算二紀
律曰弟子見師敬事如父母師主見弟子念
之如赤子違律罰算各一紀
律曰正一家三師者一正一師二天師三度
師三五治籙等三師也通當有敬違律被考
三十

律曰弟子作書與師主須啓書悉稱名不得
輕慢違律考杖十五
律曰道民與師主共言語稱道民不得稱名
違律考一十
律曰弟子別師主經月晦朔及三元吉日不
見師須拜三拜違律師罰考一十重病二十

日

律曰七世不同得為師授度七世尚同不得為師犯者減算三紀然看此律直恐弟子有過累於九祖父母傍及師之祖先若弟子忠誠七戒無犯德合十行骨相應圖父亦可以傳其子令能九祖俱仙寧有奪筆之咎

律曰弟子聞師有疾病厄急貧窮彫悴不能創心則無仁孝違負誓言考五十日重病一百日

律曰道士不得來佗弟子前語罵及佗弟子師長皆須平正若論善惡人身中魂魄即去違律水官考病五十日

律曰弟子佗人前語及師主父母不善身中吏兵即奏天曹罰病一百日考三十日

律曰弟子得師書告皆燒香執笏整衣冠拜三拜發書讀之即是崇依上聖弘道孝敬乃合先聖心違律罰算一紀

律曰弟子別師經一月已下皆冠帶執笏問訊不得白服隨時違律罰油三斗拒不輸者杖二十

律曰弟子別師主經一宿已上五宿已下皆整衣服執笏再拜問訊還如法違律罰香五兩入三寶弟子向師主皆稱名弟子詣師不得輒而坐師命方坐違律考病十日

律曰弟子不得喚師作道士皆言家師和師大師尊師師主也違律罰油三斗入三寶考病十日弟子不得犯觸名諱若尊人問不已宜須下聲答名也違律罰算一紀弟子不唐突師左右左右有問察之神違律罰算一紀

弟子見師過失之事當於深隱處長跪欵手恭諫請不得在別人前言師是非醜事違律罰算一紀弟子與師共房不得先在師前眠卧不得在後起違律考病五十日弟子於師處同食不得先食皆須師前弟子後也若師命同食弟子食聽在前止住弟子隨師起居

行止遊履皆正當謙卑恭敬不得斯須無有禮法罰考三十下弟子事師師年少弟子年高弟子皆應恭敬譬如官長二千石父母同等不得自恃高年輕忽於師主罰杖八十主者宜科弟子師同在座席若師起居行止弟

子起下地倚不得晏然端坐違律考三十弟子先未受法戒或氣類有等或復者年後詣師法便為師事言皆稱名恭敬不得准前違律考四十弟子先與師主姓族同從弟兄孫姪後詣師受法皆須謙卑恭敬言皆稱名不得比尋常違律杖四十主者宜科弟子與師

親屬總麻者皆不得相為師弟所以爾者受法皆證三曾七祖父母來盟子孫所受若違盟九祖受考殃及受法人身病百日弟子不得嗔怒嫉責忿恨師主及懷恚恨在心違律被考三十弟子詣師請道法皆當冠帶執笏謙苦求請不得輕爾違律考四十弟子不得與師主諍口違律考四十弟子事師師若來還弟子皆當隨路遠近奉迎不得端然晏坐以待師主違律罰考四十弟子與師同行不得身踐踏著師影違律三十弟子出入及所作事每先啓告諸審師主不得自專違律考五十弟子事師皆當思念信實不得猶豫二心違律考三十弟子不得竊盜發泄師器具籠篋錢物飲食禁誡科律違律杖三十弟子

與師主同坐不得汗唾左右違律考二十弟子侍從師主若值賓客弟子皆侍衛師左右不得放抗大座與凡無別違律杖七十弟子受師法業後道德成就爲人所崇皆當謙謹存憶師主勿忘恩違律罰筭二紀

律曰道士女冠年雖已老受法卑下行道不得在大法身小者前其年雖少法戒大者可行於前不得錯亂違律考杖六十

科曰大德名人同住一處有狡猾弟子若欲歸依或愛情未離或枉被威逼應須教習各誠機宜或先令苦使或誘引甜言或獨立坐忘或擯令遠去或出經實教授或令齋戒治除或懼自尊威而今傍人撫接若終惡不改而無進善之功畜斯弟子是滅道法未須遠離

科曰若有弟子愛樂正法深經大義咸願欲聞直以機在前緣衆根關鈍如此之善預既發可須安慰三戒五戒示靜安心大德法師是衆生依止若心性高者而今低心下意若動止強梁而須折伏若其懦弱勸進勇猛既

爲衆生父母寧不慈愍必契道場永無退轉科曰上清法師不應授人大戒不應受人依止不應畜弟子不應爲人教授不預評論衆事不得闇夜自行不得親近邪見當動止在法

科曰所養弟子彌加呵責有大罪過引五事責之一我今呵責汝汝須出去二則出離之後莫入我房三則我縱無人亦不用汝作使四則我之生前莫至我所五則我能引化三塗五道終不與汝共語此之呵責折伏爲行之甚不用分外非法考打枷棒懸首反縛晝夜打罵律無此條傷大慈種若師主使令弟子沽酒買肉坐販賣牧牛養馬并爲邪淫驅使弟子弟子可言以此所作非天尊行其不敢爲師若有嗔責可須捨去

科曰惡行弟子教不知悔其行有十一則爲惡不恥二則見善不修三則聞諫彌甚四則動非威儀五則強梁我慢而無恭肅六則懶惰狠戾七則友非忠信八則遊習姦姪九則好樂屠戮十則醉亂尊卑有此十種行人是破

道法若不爲惡能伏勤苦清旦入房除小便器朝中日暮三時問訊求有所習隨用驅使不辭勞苦漸盈大器積德成真有此弟子紹隆正法廣以讚嘆

科曰男女官各得依止男官依止男官女官依止女官大法者爲師每一旬至師所受教訓至時整理法服赤心靈宇恭敬謹肅直詣師門不東西異向至師門已通白云某弟子問訊師知已乃端嚴衣帔燒香於誦經之室命弟子令進進至師前安詳三拜問訊云師比者起居安不德無損和師無他故乃答云比日亦無虧禮誦若有疾苦隨事應答弟子若有罪過先問師耳可云汝有某事可加誠誨令其改革弟子拜謝乃云不能自厲勞師誠勅又拜謝云從今以去不敢復犯若是齋前設齋齋後無所施設乃便去再拜云願師以自珍重師重誠云所在之處勤行齋戒以自慎謹勿起驕慢唯然起退三步乃始轉去不得更入他房歸至本觀以師誠悔之言示衆大小不得戴匿若女官無大法不解傳授

者可詣男官請受有高德女官男官亦得請
諸受法俯仰之格男女官通用

科曰師主大德若從速歸命所使先到觀中
今知歸至弟子則整衣帔出觀迎接當以大
小顧望不得無故掩人不備

科曰弟子有所啓白師主及同觀外觀大德
皆整衣至房房閉當屈指細打戶三過停
少時不聞人聲更三過又不聞人聲又三過
不聞則退

科曰弟子之禮師主有客當即拂拭牀席机
褥灑掃前後師主命客進乃命

科曰弟子之禮師主命過授物事師主若立
則立受師主若坐則長跪受

科曰參省師主大德皆再拜侍立命坐則拜
而坐更問他故則起立而答皆修直身體並

脚斂手

科曰進尊者之房戶知在房中或庫內若不
聞聲聲咳發覺如不問則退若問稱名啓白
命入則入房開則開閉則閉入戶正視尊者
不得左右斜顧

科曰出家之人當合忠正出入動止正正為
先一正己身二正門徒弟子三正觀中良賤
四正四遠衆法五正頑愚俗人能正己身為
物軌則能正弟子承稟有儀能正觀中大小
從順能正四遠法義稱揚能正頑愚廣增慧

解能如此者名為道士若身既不正為物所
憎弟子不教却賤師至觀主恒無禁忌大小
貴賤混淆不存信義四遠同皆厭惡欺隱
藏增長罪目不能廣立威恩却更誘引他家
子弟奴婢或園物入己或私與交關不依正
義立身恒以邪僻為行有如此色名為逃謀
兇賊共所防戒如不可憊國王有法

要修科儀戒律鈔卷之三

要修科儀戒律鈔卷之四 唐

三洞道士朱法滿編

衆戒及願念合一千二百條

夫經以檢惡戒以防非總任枝流難以取用
撮其機要易可尋求蓋真隱訣云戒者邊穢
垢之津路防邪風之往來千真科曰出家之
人不交世俗不求名利不作有為功德靜思
入定降伏外魔名為淨戒是其實法毋觀身
大戒云有經而無戒猶欲涉海而無舟楫有
口而無舌何緣度非身邪夫學者不知尋經
戒是未悟真要之根長夢而不覺可為痛心
矣千真科曰出家之人能持三戒五戒九戒
十戒乃至三百大成等一戒之中各有二十
四善神之所擁護天人供養不犯衆惡有不
信戒者衆惡故犯罪結實陰劫劫受生墮落
盲道遠戒奉戒得福獲罪不問道俗至理無
偏其功等爾易注云洗心曰齋防患曰戒本
際云聖真所修必名為教凡夫所行名之習
業施教造業一而無二所謂一戒是發無上
自然道意如是正因最為根本又有二戒所